

מלאכי

4 3 2 1

הפרק 1

משא דבר יהוה אל ישראל ביד מלאכי!
²אהבתי אתכם אמר יהוה ואמרתם במה אהבתנו הלוא אח עשו ליעקב נאם יהוה ואהב את יעקב
³ואת עשו שנאתי ואשים את הריו שממה ואת נחלתו לתנות מדבר
⁴כי תאמר אדום רששנו ונשוב ונבנה חרבות כה אמר יהוה צבאות המה יבנו ואני אהרוס וקראו להם
גבול רשעה והעם אשר זעם יהוה עד עולם
⁵ועיניכם תראינה ואתם תאמרו יגדל יהוה מעל לגבול ישראל
⁶בן יכבד אב ועבד אדניו ואם אב אני איה כבודי ואם אדונים אני איה מוראי אמר יהוה צבאות לכם
הכהנים בוזי שמי ואמרתם במה בזינו את שמך
⁷מגישים על מזבחי לחם מגאל ואמרתם במה גאלנוך באמרכם שלחן יהוה נבזה הוא
⁸וכי תגשון עור לזבח אין רע וכי תגישו פסח וחלה אין רע הקריבהו נא לפחתך הירצך או הישא פניך
אמר יהוה צבאות
⁹ועתה חלו נא פני אל ויחננו מידכם היתה זאת הישא מכם פנים אמר יהוה צבאות
¹⁰מי גם בכם ויסגר דלתים ולא תאירו מזבחי חנם אין לי חפץ בכם אמר יהוה צבאות ומנחה לא
ארצה מידכם
¹¹כי ממזרח שמש ועד מבואו גדול שמי בגוים ובכל מקום מקטר מגש לשמי ומנחה טהורה כי גדול
שמי בגוים אמר יהוה צבאות
¹²ואתם מחללים אותו באמרכם שלחן אדני מגאל הוא וניבו נבזה אכלו
¹³ואמרתם הנה מתלאה והפחתם אותו אמר יהוה צבאות והבאתם גזול ואת הפסח ואת החולה
והבאתם את המנחה הארצה אותה מידכם אמר יהוה
¹⁴וארור נוכל ויש בעדרו זכר ונדר וזבח משחת לאדני כי מלך גדול אני אמר יהוה צבאות ושמי נורא
בגוים

הפרק 2

יעתה אליכם המצוה הזאת הכהנים
²אם לא תשמעו ואם לא תשימו על לב לתת כבוד לשמי אמר יהוה צבאות ושלחתי בכם את
המארה וארותי את ברכותיכם וגם ארותיה כי אינכם שמים על לב
³הנני גער לכם את הזרע וזריתי פרש על פניכם פרש חגיכם ונשא אתכם אליו
⁴וידעתם כי שלחתי אליכם את המצוה הזאת להיות בריתי את לוי אמר יהוה צבאות
⁵בריתי היתה אתו החיים והשלום ואתנם לו מורא וייראני ומפני שמי נחת הוא
⁶תורת אמת היתה בפיהו ועולה לא נמצא בשפתיו בשלום ובמישור הלך אתי ורבים השיב מעון
⁷כי שפתי כהן ישמרו דעת ותורה יבקשו מפיהו כי מלאך יהוה צבאות הוא

⁸ואתם סרתם מן הדרך הכשלתם רבים בתורה שחתם ברית הלוי אמר יהוה צבאות
⁹וגם אני נתתי אתכם נבזים ושפלים לכל העם כפי אשר אינכם שמרים את דרכי ונשאים פנים
בתורה
¹⁰הלוא אב אחד לכלנו הלוא אל אחד בראנו מדוע נבגד איש באחיו לחלל ברית אבתינו
¹¹בגדה יהודה ותועבה נעשתה בישראל ובירושלם כי חלל יהודה קדש יהוה אשר אהב ובעל בת אל
נכר
¹²יכרת יהוה לאיש אשר יעשנה ער וענה מאהלי יעקב ומגיש מנחה ליהוה צבאות
¹³וזאת שנית תעשו כסות דמעה את מזבח יהוה בכי ואנקה מאין עוד פנות אל המנחה ולקחת רצון
מידכם
¹⁴ואמרתם על מה על כי יהוה העיד בינך ובין אשת נעורייך אשר אתה בגדתה בה והיא חברתך
ואשת בריתך
¹⁵ולא אחד עשה ושאר רוח לו ומה האחד מבקש זרע אלהים ונשמרתם ברוחכם ובאשת נעורייך אל
יבגד
¹⁶כי שנא שלח אמר יהוה אלהי ישראל וכסה חמס על לבושו אמר יהוה צבאות ונשמרתם ברוחכם
ולא תבגדו
¹⁷הוועתם יהוה בדבריכם ואמרתם במה הווענו באמרכם כל עשה רע טוב בעיני יהוה ובהם הוא
חפץ או איה אלהי המשפט

הפרק 3

הנני שלח מלאכי ופנה דרך לפני ופתאם יבוא אל היכלו האדון אשר אתם מבקשים ומלאך הברית
אשר אתם חפצים הנה בא אמר יהוה צבאות
²ומי מכלכל את יום בואו ומי העמד בהראותו כי הוא כאש מצרף וכברית מכבסים
³וישב מצרף ומטהר כסף וטהר את בני לוי וזקק אתם כזהב וככסף והיו ליהוה מגישי מנחה בצדקה
⁴וערבה ליהוה מנחת יהודה וירושלם כימי עולם וכשנים קדמניות
⁵וקרבתי אליכם למשפט והייתי עד ממהר במכשפים ובמנאפים ובנשבעים לשקר ובעשקי שכר
שכיר אלמנה ויתום ומטי גר ולא יראוני אמר יהוה צבאות
⁶כי אני יהוה לא שנית ואתם בני יעקב לא כליתם
⁷למימי אבתיכם סרתם מחקי ולא שמרתם שובו אלי ואשובה אליכם אמר יהוה צבאות ואמרתם
במה נשוב
⁸היקבע אדם אלהים כי אתם קבעים אתי ואמרתם במה קבענוך המעשר והתרומה
⁹במארה אתם נארים ואתי אתם קבעים הגוי כלו
¹⁰הביאו את כל המעשר אל בית האוצר ויהי טרף בביתי ובחונני נא בזאת אמר יהוה צבאות אם לא
אפתח לכם את ארבות השמים והריקתי לכם ברכה עד בלי די
¹¹וגערתני לכם באכל ולא ישחת לכם את פרי האדמה ולא תשכל לכם הגפן בשדה אמר יהוה צבאות
¹²ואשרו אתכם כל הגוים כי תהיו אתם ארץ חפץ אמר יהוה צבאות
¹³חזקו עלי דבריכם אמר יהוה ואמרתם מה נדברנו עליך
¹⁴אמרתם שוא עבד אלהים ומה בצע כי שמרנו משמרתו וכי הלכנו קדרנית מפני יהוה צבאות
¹⁵ועתה אנחנו מאשרים זדים גם נבנו עשי רשעה גם בחנו אלהים וימלטו
¹⁶אז נדברו יראי יהוה איש את רעהו ויקשב יהוה וישמע ויכתב ספר זכרון לפניו ליראי יהוה ולחשבי
שמו
¹⁷והיו לי אמר יהוה צבאות ליום אשר אני עשה סגלה וחמלתי עליהם כאשר יחמל איש על בנו
העבד אתו
¹⁸ושבתם וראיתם בין צדיק לרשע בין עבד אלהים לאשר לא עבדו

הפרק 4

כִּי הִנֵּה הַיּוֹם בָּא בְּעֵר כְּתָנוּר וְהָיוּ כָּל זָדִים וְכָל עֹשֶׂה רָשָׁעָה קֵשׁ וְלֹהֵט אֶתֶם הַיּוֹם הַבֹּא אִמְרַי יְהוָה
צְבָאוֹת אֲשֶׁר לֹא יַעֲזֹב לָהֶם שָׂרֵשׁ וְעֵנֶף
²וְזָרְחָה לָכֶם יִרְאִי שָׁמַי שֶׁמֶשׁ צְדָקָה וּמִרְפָּא בִּכְנֻפֶיהָ וַיֵּצֵאתֶם וּפִשְׁתֶּם כְּעַגְלֵי מִרְבֵּק
³וְעִסְוֹתֶם רָשָׁעִים כִּי יִהְיוּ אִפְרַי תַּחַת כַּפּוֹת רַגְלֵיכֶם בַּיּוֹם אֲשֶׁר אֲנִי עֹשֶׂה אִמְרַי יְהוָה צְבָאוֹת
⁴זָכְרוּ תּוֹרַת מֹשֶׁה עַבְדִּי אֲשֶׁר צִוִּיתִי אוֹתוֹ בַּחֲרֹב עַל כָּל יִשְׂרָאֵל חֲקִים וּמִשְׁפָּטִים
⁵הִנֵּה אֲנִי שֹׁלַח לָכֶם אֶת אֱלִיָּה הַנָּבִיא לִפְנֵי בּוֹא יוֹם יְהוָה הַגָּדוֹל וְהַנּוֹרָא
⁶וְהִשִּׁיב לֵב אֲבוֹת עַל בָּנִים וּלְבַב בָּנִים עַל אֲבוֹתָם פֶּן אֲבוֹא וְהִכִּיתִי אֶת הָאָרֶץ חֵרֵם